




Broj: 03-04-11-13099-4/2023
Bihać; 18.12.2023. godine

SKUPŠTINA UNSKO-SANSKOG KANTONA



PREDMET: Prijedlog Odluke o privremenom finansiranju Zavoda zdravstvenog osiguranja Unsko-sanskog kantona za period 01.01. - 31.03.2024. godine, dostavlja se

Na osnovu člana 95. Poslovnika Skupštine Unsko-sanskog kantona („Službeni glasnik Unsko-sanskog kantona“, broj: 9/17 i 11/21), u prilogu vam dostavljamo Prijedlog Odluke o privremenom finansiranju Zavoda zdravstvenog osiguranja Unsko-sanskog kantona za period 01.01. - 31.03.2024. godine, uz sljedeće

O b r a z l o ž e n j e

Vlada Unsko-sanskog kantona je na svojoj 3. sjednici, održanoj dana 18.12.2023. godine razmatrala i Zaključkom broj: 03-02-12845-8/2023 utvrdila Prijedlog Odluke o privremenom finansiranju Zavoda zdravstvenog osiguranja Unsko-sanskog kantona za period 01.01.-31.03.2024. godine, predlagača Ministarstva zdravstva, rada i socijalne politike, koja vam se dostavlja na odlučivanje.

S poštovanjem,

Prilog: Prijedlog Odluke o privremenom finansiranju Zavoda zdravstvenog osiguranja Unsko-sanskog kantona za period 01.01. - 31.03.2024. godine

Dostavljeno:

1. Naslovu
2. a/a





Na osnovu člana 16. Zakona o Vladi Unsko-sanskog kantona („Službeni glasnik Unsko-sanskog kantona“, broj 5/08) i člana 35. i 38. Zakona o budžetima u Federaciji Bosne i Hercegovine („Službene novine Federaciji Bosne i Hercegovine“, broj: 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25a/22), na prijedlog Ministarstva zdravstva, rada i socijalne politike, Vlada Unsko-sanskog kantona na 3. sjednici, održanoj dana 18.12.2023. godine,
d o n o s i

ZAKLJUČAK

I

Utvrđuje se Prijedlog Odluke o davanju saglasnosti na Odluku o privremenom finansiranju Zavoda zdravstvenog osiguranja Unsko-sanskog kantona za period 01.01. - 31.03.2024. godine i ista se upućuje Skupštini Unsko-sanskog kantona na odlučivanje.

II

Ovaj Zaključak stupa na snagu danom donošenja.

Broj: 03-02-12845-8/2023
Bihać, 18.12.2023. godine



PREMIJER KANTONA
Nijaz Husić, MA

OBRAZLOŽENJE

PRAVNI OSNOV

Pravni osnov za donošenje ove Odluke nalazi se u čl. 11.m), odjeljka A poglavlja V Ustava Unsko-sanskog kantona («Službeni glasnik Unsko-sanskog kantona» br.1/04 i 11/04), kojim je određeno da Skupština Kantona donosi i druge propise u obavljanju kantonalnih ovlaštenja i članu 35. i 38. Zakona o budžetima u Federaciji Bosne i Hercegovine („ Službene novine Federaciji Bosne i Hercegovine“ broj:102/13, 9/14, 13/14, 8/15, 91/15, 102/15, 104/16,5/18,11/19 i 99/19).

RAZLOZI ZA DONOŠENJE

Da bi se osigurala sredstava potrebna za nesmetano izvršavanje obaveza i dostupnosti zdravstvene zaštite i zagarantovanih prava osiguranim licima, do donošenja Finansijskog plana Zavoda za 2024. godinu, neophodno je donijeti Odluku o privremenom finansiranju Zavoda zdravstvenog osiguranja Unsko-sanskog kantona za period januar-mart 2024.godine.

Upravni odbor Zavoda zdravstvenog osiguranja USK, na sjednici održanoj dana 6.12.2023.godine, donio je Odluku broj:01-02-2-5548/23 o privremenom finansiranju za period januar-mart 2024.godine, odnosno do donošenja Finansijskog plana Zavoda zdravstvenog osiguranja Unsko-sanskog kantona za 2024.godinu, a najduže do 31.03.2024.godine.

Finansiranje zdravstvene zaštite vršit će se u mjesečnom iznosu od 1/12 planiranih prihoda prethodne fiskalne godine (umanjeno za 10% očekivanog smanjenja dinamike ostvarivanja prihoda), što za tromjesečni period iznosi 34.374.077,39 KM (poređenja radi- u privremenom finansiranju za 2023.godinu taj iznos je bio 27.498.607, 66KM).

U tom periodu ne mogu se vršiti nova zapošljavanja, niti se mogu finansirati novi i prošireni programi, kao niti nove aktivnosti.

Odluku o privremenom finansiranju Zavod zdravstvenog osiguranja Unsko-sanskog kantona, u skladu sa članom 35. i 38. Zakona o budžetima u Federaciji BiH uputio je Ministarstvu finansija radi davanja mišljenja.

Ministarstvo finansija dalo je mišljenje na Odluku o privremenom finansiranju, aktom broj: 04-11-13099-2723 od dana 13.12.2023.godine i predlaže da se odluka uputi Skupštini Unsko-sanskog kantona na razmatranje i usvajanje, što je Ministarstvo zdravstva i učinilo.

FINANSIJSKA SREDSTVA

Za provođenje ove odluke nisu potrebna dodatna finansijska sredstva iz Budžeta Unsko-sanskog kantona.

Obrđivač: Aida Blažević



MINISTRICA
Zemina Kadirić

Zemina Kadirić



3323

09

ODJELJENJE ZA ANALITIČKO-PLANSKE POSLOVE I POSLOVE LJEKARSKIH KOMISIJA

Broj: 02-02-3-5621/23
Bihać, 12.12.2023. godine

BOSNA I HERCEGOVINA
KANTON UNSKO-SANSKI
UNSKO-SANSKI KANTON
BIHAĆ

PRIMLJENO 12.12.2023			
Organizaciona jedinica	Klasifikaciona oznaka	Broj prijave	Prijatelj
09-1-13099		1	

Ministarstvo zdravstva, rada i socijalne politike
Unsko-sanskog kantona
Bihać

129

PREDMET: Dostava Odluke o privremenom finansiranju za period 01.01. -31.03.2024.godine

Poštovani,

u prilogu dopisa dostavljamo Vam Odluku o privremenom finansiranju Zavoda zdravstvenog osiguranja Unsko-sanskog kantona za period 01.01.-31.03.2024.godine, na dalje postupanje. Ista je donesena na sjednici Upravnog odbora Zavoda dana 06.12.2023.godine.

S poštovanjem,

Obrada: Alma Begić

Šef odjeljenja: Ibrahim Tatarević, dipl.ecc

V.D. Direktora
mr.sc. Adis Hamzić, dipl. kriminalist

Dostavlja se:

- Naslovu,
- U spis
- a/a



Na osnovu člana 35. Zakona o budžetima u Federaciji Bosne i Hercegovine, te člana 47. stav 3 i 4. i člana 26. Statuta Zavoda zdravstvenog osiguranja Unsko-sanskog kantona Bihać, Upravni odbor Zavoda zdravstvenog osiguranja, na sjednici održanoj dana 06.12.2023. godine donio je sljedeću,

O D L U K U

o privremenom finansiranju za period 01.01.-31.03.2024.godine

Član 1.

Do donošenja Finansijskog plana Zavoda zdravstvenog osiguranja Unsko-sanskog kantona za 2024.godinu, a najduže do kraja marta 2024.godine, vršit će se privremeno finansiranje iz sredstava Zavoda zdravstvenog osiguranja Unsko-sanskog kantona.

Član 2.

Sredstva za privremeno finansiranje obezbijedit će se iz doprinosa za obavezno zdravstveno osiguranje i iz drugih izvora utvrđenih Zakonom o zdravstvenom osiguranju i propisima donesenim na osnovu zakona.

Član 3.

Privremeno finansiranje, u smislu člana 1. ove Odluke obavlja se srazmjerno sredstvima utrošenim u istom periodu, a najviše do tromjesečnog prosjeka za prethodnu godinu do visine sredstava utvrđenih u tabelarnom prikazu u prilogu ove Odluke.

Sredstva ostvarena na način iz prethodnog člana raspoređuju se po namjenama koje su utvrđene Rebalansom finansijskog plana Zavoda zdravstvenog osiguranja Unsko-sanskog kantona za 2023.godinu za sljedeće:

1. financiranje zdravstvene zaštite za osigurana lica zavoda, zdravstvenim ustanovama sa područja Unsko-sanskog kantona u visini 1/12 planiranih sredstava za te namjene umanjene za 10% zbog očekivanog smanjenja dinamike ostvarenja prihoda u periodu koji regulira ova odluka.
2. finansiranje drugih prava iz osnova obaveznog zdravstvenog osiguranja, kao što su: liječenje van kantona, lijekovi, ortopedska i druga pomagala, naknade plaća (bolovanja), naknada prijevoza pacijenata kolima hitne medicinske pomoći i drugi će se vršiti na osnovu stvarno izvršenih rashoda, primjenjujući već postojeće odluke Upravnog odbora Zavoda i
3. finansiranje ostalih obaveza Zavoda vršiti u visini prosječno izvršenih rashoda koji su utvrđeni tabelarnim prikazom u prilogu ove Odluke.

Član 4.

O izvršenju ove Odluke starat će se direktor Zavoda zdravstvenog osiguranja USK-a.

Član 5.

Ova Odluka stupa na snagu danom donošenja, a primjenjivat će se od 01.01.2024.godine.

Broj: 01-02-2-5549 /23

Datum: 06.12.2023.god.

Predsjednik Upravnog odbora

Husein Duranović, dipl. pravnik

Dostavlja se:

- Ministarstvo finansija USK,
- Ministarstvo zdravstva, rada i socijalne politike USK,
- Odjeljenje za analitičko-planske polsove i ljekarske komisije *2kom
- Odjeljenje finansija
- a/a*2

r/br.	ekonomski kod	OPIS	I-IX /2023 god.		PRIVREMENO FINANSIRANJE ZA 2024.god.	index	
			OSTVARENO	PROSJEK KVARTALA		5/3	5/4
	1	2	3	4	5	6	7
		UKUPNI RASHODI I IZDACI (I+VI+VII)	103.122.232,12	34.374.077,39	34.374.077,39	33,33	100,00
I	610 000	UKUPNI TEKUĆI RASHODI (II+III+IV+V)	103.110.095,07	34.370.031,71	34.370.031,71	33,33	100,00
II	611 000	PLAĆE I NAKNADE TROŠKOVA ZAPOSLENIH	3.468.120,66	1.156.040,22	1.156.040,22	33,33	100,00
III	612 000	DOPRINOSI POSLODAVCA I OSTALI DOPRINOSI	333.800,80	111.266,93	111.266,93	33,33	100,00
IV	613 000	IZDACI ZA MATERIJAL, STALNI INVENTAR I USLUGE	91.865.282,74	30.621.760,93	30.621.760,93	33,33	100,00
1	613 100	PUTNI TROŠKOVI	830,00	276,67	276,67	33,33	100,00
2	613 200	IZDACI ZA ENERGIJU	50.511,32	16.837,11	16.837,11	33,33	100,00
3	613 300	IZDACI ZA KOMUNALNE USLUGE	76.275,53	25.425,18	25.425,18	33,33	100,00
4	613 400	NABAVKA MATERIJALA I SITNOG INVENTARA	16.190.036,39	5.396.678,80	5.396.678,80	33,33	100,00
5	613 500	IZDACI ZA USLUGE PRIJEVOZA I GORIVA	6.207,71	2.069,24	2.069,24	33,33	100,00
6	613 600	UNAJMLJIVANJE IMOVINE, OPREME I NEMATERIJALNE IMOVINE					
7	613 700	IZDACI ZA TEKUĆA ODRŽAVANJA	322.781,22	107.593,74	107.593,74	33,33	100,00
8	613 800	IZDACI ZA OSIGURANJE, BANKARSKE USLUGE I USLUGE PLATNOG PROMETA	6.579,71	2.193,24	2.193,24	33,33	100,00
9	613 900	UGOVORENE I DRUGE POSEBNE USLUGE	75.212.060,86	25.070.686,95	25.070.686,95	33,33	100,00
V	614 000	TEKUĆI TRANSFERI I DRUGI TEKUĆI RASHODI	7.442.890,87	2.480.963,62	2.480.963,62	33,33	100,00
VI	820 000	KAPITALNI IZDACI	12.137,05	4.045,68	4.045,68	33,33	100,00
VII	600 000	Tekuće rezerve i sredstva za pokriće iz ranijih godina					



Broj:04-11-13099-2/2023.
Bihać, 13.12.2023. godine

Zavod zdravstvenog osiguranja
Unsko-sanskog kantona

PREDMET:Mišljenje, dostavlja se;
Veza, Vaš akt broj:02-02-3-5621/23 od 12.12.2023. godine

U skladu sa članom 35. a u vezi sa članom 38. Zakona o budžetima u Federaciji BiH ("Sl. novine Federacije BiH", broj:102/13, 9/14, 13/14, 8/15, 91/15, 102/15, 104/16, 5/18, 44/18, 11/19, 99/19 i 25a/22), a vezano za Odluku o privremenom finansiranju Zavoda zdravstvenog osiguranja USK-a za period 01.01.-31.03.2024.godine, dajemo sljedeće:

MIŠLJENJE

Dana 12.12.2023.godine, Zavod zdravstvenog kantona USK-a je zatražio od Ministarstva finanija mišljenje na Odluku o privremenom finansiranju za period 01.01.-31.03.2024. godine.

Zakonom o budžetima u Federaciji BiH, tačnije članom 35.definisano je privremeno finansiranje vanbudžetskog fonda. Odluku o privremenom finansiranju donosi Parlament.

Privremeno finansiranje obavlja se najduže za prva tri mjeseca fiskalne godine. Privremeno finansiranje, u smislu stava 1. ovog člana obavlja se srazmjerno sredstvima utrošenim u istom periodu, a najviše do tromjesječnog prosjeka za prethodnu fiskalnu godinu. U periodu privremenog finansiranja finansiraju se isti programi, a korisnici ne smiju povećavati broj zaposlenih u odnosu na stanje na dan 31. decembar prethodne godine.

Vanbudžetski fondovi ne mogu započeti nove ili proširene programe i aktivnosti dok se ne donese finansijski plan. Nakon isteka privremenog finansiranja, u tom periodu ostvareni prihodi i primici, te izvršeni rashodi i izdaci uključuju se u finansijski plan tekuće godine.

Finansijski plan se mora donijeti najkasnije do 31. marta tekuće godine.

Ukoliko se Budžet ne usvoji do 31. marta, nakon toga neće se izvršavati rashodi u bilo koju svrhu osim otplate duga sve dok se finansijski plan ne donese.

Obzirom da finansijski plan Zavoda zdravstvenog kantona USK-a za 2024. godinu nije usvojen, odnosno neće se usvojiti do 31.12.2023. godine, predlažemo Vladi Unsko-sanskog kantona da usvoji Odluku o privremenom finansiranju Zavoda zdravstvenog kantona USK-a za period 01.01.-31.03.2024.godine i istu uputi Skupštini Unsko-sanskog kantona na razmatranje i usvajanje.

S poštovanjem,

Obradivač akta:
Ilarija Omanović, dipl.oec.

Dostavljeno:

- ①-Naslovu,
- Min.zdravstva, rada i soc.politike USK-a (na znanje)
- Ministarstvo finansija
- a/a



Na osnovu člana 11. tačka m) A.V. Ustava Unsko-sanskog kantona („Službeni glasnik Unsko-sanskog kantona“ br.5/04 i 11/04), člana 35. i 38. Zakona o budžetima u Federaciji Bosne i Hercegovine („ Službene novine Federaciji Bosne i Hercegovine“ broj:102/13, 9/14, 13/14, 8/15, 91/15, 102/15, 104/16, 5/18,11/19 i 99/19), Skupština Unsko-sanskog kantona na sjednici od _____godine, donosi

ODLUKU

o davanju saglasnosti na Odluku o privremenom finansiranju Zavoda zdravstvenog osiguranja Unsko-sanskog kantona za period 01.01. do 31.03.2024.godine

I

Daje se saglasnost na Odluku o privremenom finansiranju Zavoda zdravstvenog osiguranja Unsko-sanskog kantona za period 01.01. do 31.03.2024.godine, koja je sastavni dio ove odluke.

II

Ova Odluka stupa na snagu danom donošenja i objavit će se u „Službenom glasniku Unsko-sanskog kantona“.

Broj: _____
Bihać, _____

Predsjedavajući Skupštine
Unsko-sanskog kantona
Zikrija Duraković